

Bosna i Hercegovina
Federacija Bosne i Hercegovine
Hercegovačko-neretvanska županija
SKUPŠTINA
Broj: 02-01-III-293/14
Mostar, 29.12.2014. godine

IZVOD IZ ZAPISNIKA
sa Treće (III) sjednice Skupštine
Hercegovačko-neretvanske županije

Sjednica je održana dana 29.12.2014. godine u dvorani Skupštine Hercegovačko-neretvanske županije u Mostaru sa početkom rada u 11:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanske županije i pozdravio nazočne.

Tajnik Skupštine, Željka Čule, obavila je prozivku.

Prisutni: Slađan Bevanda, Boris Bošnjek, Ilija Cvitanović, Osman Ćatić, Elvira Dilberović, Mesud Džajić, Luka Faletar, Zlatko Hadžiomerović, Osman Macić, Andrea Martinović, Tomislav Martinović, Zijat Mušić, Ante Pavličević, Davor Pehar, Đuro Prkačin, Dario Pušić, Ivona Raguž, Zoran Raič, Vesna Saradžić, Elmira Šator, Amir Šelo, Ajman Šoše, Šerif Špago, Ana-Marija Topić-Jakovljević, Drago Tule, Adnan Velagić, Amer Zagorčić, Aner Žuljević.

Odsutni: Mara Anđelić, Anel Kljako.

Konstatirano je da je na sjednici nazočno **28** zastupnika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informiranja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući je izvijestio zastupnike da je u materijalima dostavljen Izvod iz zapisnika sa prve (konstituirajuće) sjednice Skupštine.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja, konstatirano je da je Izvod iz zapisnika sa prve sjednice Skupštine održane 20.11.2014. godine jednoglasno prihvaćen.

Predsjedavajući Skupštine pročitao je predloženi **dnevni red:**

1. Prijedlog Odluke o izboru predsjedavajućeg ili zamjenika predsjedavajućeg Skupštine HNŽ/K,
2. Prijedlog Izmjena i dopuna Proračuna HNŽ/K za 2014. godinu,

3. Prijedlog Odluke o privremenom financiranju javnih potreba za prvo tromjesečje 2015. godine,
4. Izmjene i dopune Financijskog plana Službe za zapošljavanje HNŽ/K za 2014. godinu,
5. Prijedlog Odluke o davanju suglasnosti na Financijski plan službe za zapošljavanje HNŽ/K za 2015. godinu,
6. Prijedlog Odluke o davanju suglasnosti na Odluku o izvršenju Financijskog plana Službe za zapošljavanje HNŽ/K,
7. Prijedlog Odluke o privremenom financiranju Zavoda zdravstvenog osiguranja HNŽ/K za prvo tromjesečje 2015. godine,
8. Prijedlog Odluke o izmjeni Odluke o osnivanju J.U. Dom zdravlja „Stari Grad“ Mostar.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je jednoglasno prihvaćen slijedeći

DNEVNI RED

1. Prijedlog Odluke o izboru predsjedavajućeg ili zamjenika predsjedavajućeg Skupštine HNŽ/K,
2. Prijedlog Izmjena i dopuna Proračuna HNŽ/K za 2014. godinu,
3. Prijedlog Odluke o privremenom financiranju javnih potreba za prvo tromjesečje 2015. godine,
4. Izmjene i dopune Financijskog plana Službe za zapošljavanje HNŽ/K za 2014. godinu,
5. Prijedlog Odluke o davanju suglasnosti na Financijski plan službe za zapošljavanje HNŽ/K za 2015. godinu,
6. Prijedlog Odluke o davanju suglasnosti na Odluku o izvršenju Financijskog plana Službe za zapošljavanje HNŽ/K,
7. Prijedlog Odluke o privremenom financiranju Zavoda zdravstvenog osiguranja HNŽ/K za prvo tromjesečje 2015. godine,
8. Prijedlog Odluke o izmjeni Odluke o osnivanju J.U. Dom zdravlja „Stari Grad“ Mostar.

Predsjedavajući Skupštine podsjetio je zastupnike da po Poslovniku Skupštine, a i po ranije ustaljenoj praksi, prije prelaska na raspravu po dnevnom redu, na svakoj redovnoj sjednici Skupštine postoji mogućnost za postavljanje zastupničkih pitanja.

Zastupnička pitanja

Amir Šelo

Poštovane kolege zastupnici, uvaženi predsjedavajući, odnosno kolega Šerif, koji vodi Skupštinu po ovlaštenju koje mu je dala kantonalna skupština, postavio bih dva poslanička pitanja. Prvo poslaničko pitanje postavljam Ministarstvu finansija HNK-a. Na osnovu člana 178, stav 1, Poslovnika Skupštine HNK-a, Službene novine HNK-a 2/05, podnosim poslaničko pitanje: Zbog čega Ministarstvo finansija HNK-a ne poštuje član 20, stav 2, Zakona o izvršenju Budžeta HNK-a za 2014. godinu, Službene novine HNK-a broj 3/14, i ne isplaćuje mjesečne tranše Univerzitetu „Džemal Bijedić“ i Sveučilištu u Mostaru u isto vrijeme kada se isplaćuje i plaće budžetskim korisnicima HNK-a? Molim vas da mi dostavite pisani odgovor na postavljeno poslaničko pitanje.

I drugo poslaničko pitanje, postavljam Ministarstvu poljoprivrede, šumarstva i vodoprivrede HNK-a. Poslaničko pitanje glasi: U kojem medijima je bio objavljen javni poziv za dodjelu sredstava za rekultivizaciju zemljišta za 2014. godinu predviđenih u Budžetu HNK-a za 2014. godinu u iznosu od 700.040 KM, te zbog čega javni poziv niti odluka o izboru korisnika navedenih sredstava za 2014. godinu nije objavljena na web stranici ministarstva? Molim vas da mi uz pisani odgovor dostavite i Odluku o raspodjeli sredstava po osnovu rekultivizacije zemljišta za 2014. godinu. Molim vas da mi dostavite pisani odgovor. Hvala puno.

Ilija Cvitanović

Kolegice i kolege, dame i gospodo, sve vas pozdravljam. Pitanje rukovodstvu Skupštine i ministru poljoprivrede. Poznato vam je da je Ustavni sud F BiH za onu odluku koja se odnosi na podjelu lovišta u Rami presudio da nije ispoštovana procedura tijekom donošenja iste, pa pitam kada će se na dnevnom redu ove Skupštine ponovo naći ta točka dnevnog reda, da se ispoštuje procedura i da se vrati u okvire zakona? Hvala.

Amer Zagorčić

Uvaženi predsjedavajući, poštovani zastupnici. Moje pitanje ide Agenciji za privatizaciju HNK-a. Obzirom da do današnjeg dana Agencija za privatizaciju HNK-a nije ispoštovala zaključke Skupštine HNK-a i Vlade HNK-a, moje pitanje je, kada će to da se desi i kada će Agencija za privatizaciju HNK-a objaviti privatizacijske ugovore u skladu sa ovim zaključcima? Vlada je nedvosmisleno zadužila Agenciju za privatizaciju HNK-a da objavi ugovore i nije jasno šta se dosad čeka, i sve ovo ostavlja prostora velikoj sumnji na zakonitost rada u Agenciji. Skupština je naknadno potvrdila zaključke Vlade i to isto tražila od Agencije za privatizaciju HNK-a. Dostavljanje pisanih ugovora Vladi svakako ne znači njihovu objavu, i da bi se objava i desila to je neophodno učiniti na način zahtijevan od Vlade HNK-a, a to je između ostalog i u elektronskoj formi na web stranici Vlade. Želio bih znat, zašto Agencija za privatizaciju HNK-a nije dosad uradila i šta se čeka da se to i uradi? Hvala.

Adnan Velagić

Poštovani predsjedavajući, kolege zastupnici. Želio bih da postavim pitanje Vladi HNK-a, odnosno Službi za zapošljavanje, koliko je u periodu od završetka izbora do danas zaposleno novih ljudi po raznim osnovama u Vladi, odnosno ministarstvima HNK-a? Hvala.

AD1. 1. Prijedlog Odluke o izboru predsjedavajućeg ili zamjenika predsjedavajućeg Skupštine HNŽ/K

Otvorena je rasprava.

U raspravi su sudjelovali: Ajman Šoše i Drago Tule.

Obavljeno je glasovanje.

Nakon glasovanja konstatirano je da je većinom glasova uz tri (3) suzdržana glasa usvojena Odluka o izboru predsjedavajućeg ili zamjenika predsjedavajućeg Skupštine HNŽ/K i to: Vesna Saradžić, Tomislav Martinović i Šerif Špago.

Po proceduri je da troje predloženih od klubova i potvrđenih od strane Skupštine između sebe izaberu predsjedavajućeg i o tome obavijeste Skupštinu.

Usljedila je stanka od 10 minuta.

Nakon stanke Tomislav Martinović je izvijestio nazočne da su izabrani predsjedavajući na svom sastanku odlučili da predsjedavajući Skupštine bude Šerif Špago a zamjenici Vesna Saradžić i Tomislav Martinović.

Novoizabrano rukovodstvo Skupštine je razmijenilo čestitke i zahvalili se na ukazanom povjerenju.

AD2.Prijedlog Izmjena i dopuna Proračuna HNŽ/K za 2014 godinu;

Predsjedavajući Skupštine izvijestio je zastupnike da je prijedlog dostavljen u materijalima.

U ime predlagatelja obrazloženje je dao predsjednik Vlade Denis Lasić.

Otvorena je rasprava.

Amandmane na Izmjene i dopune Proračuna su uložili sljedeći zastupnici:

Ilija Cvitanović

Na stranici 4, ekonomski kod 614 300, na Uredu predsjednika, transfer za sanaciju šteta po odluci Vlade, HDZ BiH i SDA 501.200 KM. Zanima me zašto nisu uključeni za sanaciju šteta i Gradska uprava i Gradska vijećnica ako su već uključena ova dva objekta? Mislim da nisu trebala biti uključena ni ova dva objekta i predlažem i dostaviti ću u pismenoj formi da se ovaj iznos rasporedi na Pučku kuhinju, na medije i na sport. I na kraju, da izrazim žaljenje što nije zgrada HDZ 1990. zapaljena u ovim paljenjima. Hvala.

Đuro Prkačin

Ja nemam neke amandmane, ali postavio bih pitanje Vladi HNŽ-a, odnosno rukovodstvu Skupštine. Mi smo na prošloj sjednici donijeli odluku, ako se ne varam, koja se odnosi na zaduživanje od sredstava MMF-a u iznosu od 3.375.000 KM, na ekonomskom kodu 814 300, u Izmjenama i dopunama Proračuna za 2014. godinu navedeno je primici od izravnog zaduživanja, stranica 3, 3.375.000 KM, onaj iznos koji smo donijeli na prošloj sjednici. Ja bih postavio pitanje rukovodstvu Skupštine, a nakon toga i Vladi, mi smo mislim donijeli odluku nakon ove odluke o zaduživanju, da ćemo posebnom odlukom donijeti raspodjelu ovih sredstava u rashodovnoj strani, ne znam jeli moramo danas prije usvajanja ovih Izmjena i dopuna donijeti i tu odluku, pošto vidimo ovi su primici, odnosno zaduživanje, već navedeni u prihodu, a u rashodu njih nema? Mi smo donijeli odluku da će Skupština donijeti posebnu odluku o utrošku ovih sredstava. Hvala.

Ajman Šoš

U ime Kluba SDA predlažem amandman na Izmjene i dopune Budžeta HNK-a za 2014. godinu. Budžetsku poziciju Vlade, ekonomki kod 614 300, transfer za sanaciju šteta, umanjiti za 501.200 KM, i za taj isti iznos umanjiti i prihodovnu stranu Izmjena i dopuna Budžeta HNK-a za 2014. godinu. Mislim da je ovo najbolje u ovom momentu, što ne znači da se šteta ne treba nadoknaditi, to možemo u okviru Budžeta 2015. godine planirati, a sada je najbolje i radi ušteda u Budžetu da se ova pozicija skine i za isti iznos znači umanjiti prihodovna strana.

Također imam još jedan amandman, za Izmjene i dopune Budžeta, ovdje se radi o preraspodjeli. Na budžetskoj poziciji Javne ustanove Srednje mašinsko-saobraćajne škole, potrošačka jedinica 17030020, ekonomski kod 613 200, izdaci za energiju, da se povećaju za 3.500 KM, ovdje sa 6.240 KM na 9.740 KM, ekonomski kod 613 300, izdaci za komunalne usluge sa 4.800 KM na 7.800 KM, znači za 3.000 KM, ekonomski kod 613 500, izdaci za usluge prijevoza i goriva, sa 6.000 KM na 7.000 KM, znači za 1.000 KM, i ekonomski kod 613 700, izdaci za tekuće održavanje, sa 3.050 KM na 7.200 KM, znači za 4.150 KM. Spomenuta sredstva se mogu preraspodijeliti na sljedeći način, u okviru Budžeta iste potrošačke jedinice, sa konta 613 800, izdaci osiguranja i banaka, sa 1.000 KM na 300 KM, znači umanjiti za 700 KM, i 613 900, ugovorene usluge, sa 84.000 KM umanjiti na 73.000 KM, za ukupno 11.000 KM. Znači ukupno povećanje bi iznosilo ovdje 11.650 KM, a umanjjenje 11.700 KM. Znači ne dolazi ni do kakvog povećanja, preraspodjela je unutar potrošačke jedinice Javne ustanove Srednje mašinsko-saobraćajne škole.

Sladjan Bevanda

Imam jedan amandman vezan za MUP, tehničke je prirode, a radi se o preraspodjeli sredstava sa jednoga konta na drugi, tako da ukupna masa sredstava ostaje ista. Znači sa konta 613 400 na konto 613 300, 196.100 KM. Hvala lijepa.

Predloženo je da se Vlada naknadno izjasni o amandmanima.

AD3. Prijedlog Odluke o privremenom financiranju javnih potreba HNŽ/K za prvo tromjesečje 2015. godine

Predsjedavajući je izvijestio zastupnike da je prijedlog dostavljen u materijalima. U ime predlagatelja obrazloženje je dao ministar financija Samir Hadžihusejnović. Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je Odluka o privremenom financiranju javnih potreba HNŽ/K za prvo tromjesečje jednoglasno usvojena.

AD4. Izmjene i dopune Financijskog plana Službe za zapošljavanje HNŽ/K za 2014. godinu

Predsjedavajući Šerif Špago podsjetio je zastupnike da su u materijalima dostavljene dvije Izmjene i dopune financijskog plana Službe za zapošljavanje za 2014.godinu HNŽ/K.

Obrazloženje je dala predstavnica Službe za zapošljavanje Gordana Nikolić.

Otvorena je rasprava.

Primjedbi i prijedloga nije bilo.

Obavljeno je glasovanje o prvoj Izmjeni Odluke o davanju suglasnosti financijskog plana.

Nakon glasovanja konstatirano je da je većinom glasova uz 2 suzdržana glasa usvojena Prva Izmjena i dopuna Odluke o davanju suglasnosti na Financijski plan Službe za zapošljavanje HNŽ/K za 2014.godinu.

Obavljeno je glasovanje Drugoj Izmjeni i dopuni Odluke o davanju suglasnosti na Financijski plan Službe za zapošljavanje HNŽ/K za 2014. godinu.

Nakon glasovanja konstatirano je da je većinom glasova uz 2 suzdržana glasa usvojena Odluka o davanju suglasnosti na Drugu Izmjenu i dopunu Financijskog plana Službe za zapošljavanje HNŽ/K za 2014.godinu.

AD5. Prijedlog Odluke o davanju suglasnosti na Financijskog plana Službe za zapošljavanje HNŽ/K za 2015. godinu;

Predsjedavajući je izvijestio zastupnike da je prijedlog dostavljen u materijalima.

U ime predlagatelja, obrazloženje je dala predstavnica Službe za zapošljavanje Gordana Nikolić.

Otvorena je rasprava.

U raspravi su sudjelovali: Zijat Mušić, Amir Šelo, predstavnica Službe za zapošljavanje Gordana Nikolić.

Obavljeno je glasovanje.

Nakon glasovanja konstatirano je da je većinom glasova uz 2 suzdržana glasa usvojena Odluka o davanju suglasnosti na Financijski plan Službe za zapošljavanje HNŽ/K za 2015.godinu.

AD6. Prijedlog Odluke o davanju suglasnosti na Odluku o izvršenju Financijskog plana Službe za zapošljavanje HNŽ/K za 2015. godinu

Predsjedavajući je izvijestio zastupnike da je prijedlog dostavljen u materijalima.

U ime predlagatelja, obrazloženje je dala predstavnica Službe za zapošljavanje Gordana Nikolić.

Otvorena je rasprava.

U raspravi su sudjelovali: Zijat Mušić, Amir Šelo, predstavnica Službe za zapošljavanje Gordana Nikolić.

Obavljeno je glasovanje.

Nakon glasovanja konstatirano je da je većinom glasova uz 2 suzdržana glasa usvojena Odluka o davanju suglasnosti na Odluku o izvršenju Financijskog plana Službe za zapošljavanje HNŽ/K za 2015. godinu.

Usljedila je stanka od 30 minuta.

Nakon stanke uslijedilo je izjašnjavanje o uložnim amandmanima na Izmjene i dopune Proračuna HNŽ/K za 2014. godinu.

U ime Vlade ministar financija Samir Hadžihusejnović je pročitao očitovanje Vlade o uložnim amandmanima.

Zastupnik Zijat Mušić, amandman za prijevoz, se odbija, s tim taj novac je već uplaćen ovoj firmi, s tim da će se tražiti povrat od 25.000 KM, a ovo ostalo će Vlada izvršiti prema planu ovima koji su, mislim da se to može prihvatiti, znači pretplaćeni dio „MO Bus-u“ za 25.000 KM to ćemo tražiti da vrate, ukoliko ne vrate postoji i nekakav drugi način da se vrate sredstva, a ovo što se tiče ostatka za ove firme, izvršiti ćemo u skladu s planom, i bit će to u redu.

Zastupnik prihvaća ovaj način rješavanja, znači odustaje od amandmana.

Amandman zastupnika Slađana Bevande za MUP, prihvaća se, to je tehnički amandman, jedna je pozicija umanjena, druga je uvećana, tehnički ispravan, moguć, prihvata se.

Amandman zastupnika Ilije Cvitanovića, Dom za stare i nemoćne osobe Rama 100.000 KM, grant javnim kuhinjama povećati za 150.000 KM, grant udrugama proisteklim iz rata za 54.830 KM, stipendije studentima fakulteta i učenicima povećati za 156.000 KM, transfer za Studentski centar povećati za 40.370 KM, amandman je odbijen glasanjem, 12 je glasalo, 3 su bila za amandman, 9 protiv.

Amandman zastupnika Osmana Čatića, projekt „Kepas“, to je isto tehnički, taj novac je stigao na račune Vlade u međuvremenu kad je ovo već sve bilo usvojeno, tako da se prihvata pošto je tehnički.

Klub SDA da se ovaj amandman, znači evo pročitati ću ga: „Budžetsku poziciju Vlade, ekonomki kod 614 300, transfer za sanaciju šteta, umanjiti za 501.200 KM, i za taj isti iznos umanjiti i prihodovnu stranu Izmjena i dopuna Budžeta HNK-a za 2014. godinu“, poslanik Ajman Šoše, 9 je bilo da se amandman odbije, a 3 su bila za, znači amandman nije prihvaćen, nije bio ministar Soldo prisutan, znači 8 je bilo da se amandman odbije, a 3 za amandman. Znači amandman nije prihvaćen.

Amandman, poslanik Ajman Šoše, ovo za Srednju mašinsko saobraćajnu školu, znači mi ga tehnički možemo prihvatiti, ali ne znam hoćemo li ga moći provesti. Mi to sad u ovom momentu ne možemo nikako znati obzirom da ne znamo šta je na tim pozicijama planirano za izvršenje, i dali je to već kroz naloge došlo u finansije. Ukoliko bude moguće on će se izvesti, ukoliko ne bude ne možemo probijati stavke protuzakonito i ne možemo ja i predsjednik Vlade zbog toga trpiti kaznene odredbe.

Predsjedavajući Šerif Špago

Znači samo ako je u okviru budžetskog korisnika preraspodjela amandman će biti usvojen, ja sam razumio da je takav amandman i bio.

Samir Hadžihusejnović, ministar finansija

Nama su date garancije iz, koliko je kolega Hadžiomerović sa svojim operativcima iz Ministarstva obrazovanja u kontaktu bio da se to može, ukoliko je moguće mi ćemo, jer ne znamo šta je zaprimljeno od naloga po onim pozicijama koje ste umanjili a ove povećali. Mislim da je jasno, znači tehnički da, s tim ako bude izvodljiv. Probijanje rashoda je strogo zabranjeno zakonom i kažnjivo, odgovaramo ja i premijer, prema tome, ja neću ići u zatvor i plaćati kazne zbog toga, neće ni premijer, a ako budemo mogli.

Amandman Šerif Špago, Skupština, prihvata se, nema probijanja u potpunosti, tehničke preraspodjele isto. Amandman se prihvata.

Amandman zastupnika Tomislava Martinović, odbija se jer je protuzakonit, uvećava se rashodovna strana, a nema nigdje odakle se vrši preraspodjela.

Amandman Kluba hrvatskih zastupnika, povećanje za HNK i Narodno pozorište Mostar, odbija se, i on je protuzakonit, povećava rashode.

Amandman tehničke popravke, Žuljević, ovo je za sredstva pripremljena od poplava, znači mi smo prikupili 20.000 KM, nažalost samo 20.000 KM, i moramo ta sredstva poslati na Federalni fond za ove poplave, tako da je to čisto tehnički amandman, on je i na rashodovnoj strani, i on se prihvata.

Amandman zastupnika Aneta Žuljevića, sportskim klubovima za razvoj omladinskih selekcija, se odbija, obzirom da se umanjuju stavke komunalnih usluga. Prvo, amandman je tehnički neispravan, jer se umanjuje kod 613 200 ne znamo gdje, i kod 613 300 također ne znamo otkud, svaka organizacijska jedinica ima ove kodove i odnose se na električnu energiju, ovo ostalo je na vodu, grijanje, telefone, uglavnom općenito su to komunalije. Ne možemo to jer vjerovatno je isti slučaj kao ovo kod kolege Šoške, ne znamo šta je došlo tamo, šta je zaknjiženo, šta je već potrošeno, a ukoliko bismo to prihvatili tih 100.000 KM, praktički dolazi do probijanja budžeta, opet ja i premijer moramo snositi posljedice.

I prihvata se amandman na Izmjene i dopune proračuna HNŽ/K, Ured predsjednika, tehnički amandman, umanjuje se jedna pozicija za 20.000 KM, a povećava se druga za 20.000 KM. Tehnički provodivo, i prihvata se.

Predsjedavajući Šerif Špago

Imamo 5 odbijenih amandmana.

Prvi je gosp. Cvitanovića, evo, ići ću ja redom kako je bilo.

Znači prvi amandman, Klub HDZ 1990., amandman na Izmjene i dopune Proračuna HNŽ za 2014. godinu, amandman 1, čitam da znate, ekonomski kod 614 300, transfer za sanaciju šteta, skinuti 501.200 KM i rasporediti na sljedeći način: Dom za stare i nemoćne osobe Rama 100.000 KM, grant javnim kuhinjama povećati za 150.000 KM, grant udrugama proisteklim iz rata za 54.830 KM, stipendije studentima fakulteta i učenicima povećati za 156.000 KM, transfer za Studentski centar povećati za 40.370 KM. Gosp. Cvitanović?

Ilija Cvitanović (napomena –govori sa mjesta bez mikrofona)

Znači ne odustajem, i molit ću pojedinačno glasovanje.

Predsjedavajući Šerif Špago

Ne može odmah pojedinačno dok ne vidimo. Znači sad se izjašnjavamo po pitanju amandmana, ako Skupština većinom glasova prihvati amandman koji je tehnički ispravan on postaje sastavni dio Izmjena i dopuna budžeta. Ko je za amandman Kluba HDZ 1990., molim da se izjasni dizanjem ruku, ko je za, ko je za molim da digne ruku? Evo, čitam ponovo amandman, molim vas, znači amandman Kluba HDZ 1990., amandman na Izmjene i dopune Proračuna HNŽ za 2014. godinu, „ekonomski kod 614 300, transfer za sanaciju šteta, onaj vezano za zgrade političkih stranaka, skinuti 501.200 KM i rasporediti na sljedeći način: Dom za stare i nemoćne osobe Rama 100.000 KM, grant javnim kuhinjama povećati za 150.000 KM, grant udrugama proisteklim iz rata povećati 54.830 KM, stipendije studentima fakulteta i učenicima povećati za 156.000 KM, transfer za Studentski centar povećati za 40.370 KM“. Ko je za navedeni amandman molim vas da se izjasni dizanjem ruku, ko je za? 8 za. Protiv? 11 protiv. Suzdržanih? 5 suzdržanih. Konstatiram da amandman nije dobio potrebnu većinu.

Ilija Cvitanović - Budući da nisam siguran kako je Zijo Mušić glasovao tražim pojedinačno glasovanje.

U ime svoje, i Kluba.

Usljedilo je pojedinačno glasovanje prozivkom da se utvrdi način glasovanja zastupnika:

Slađan Bevanda-protiv

Boris Bošnjak-protiv

Ilija Cvitanović-za

Osman Ćatić-suzdržan

Elvira Dilberović-za

Mesud Džajić-za

Luka Faletar-za

Zlatko Hadžiomerović-suzdržan

Anel Kljako-nije tu

Osman Macić-za

Andrea Martinović-protiv

Tomislav Martinović-protiv

Zijo Mušić-za

Ante Pavličević-za

Davor Peهار-protiv

Đuro Prkačin-protiv

Dario Pušić-protiv

Ivona Raguž-protiv

Zoran Raić-protiv

Vesna Saradžić-za

Elmir Šator-za

Amir Šelo -suzdržan

Ajman Šoše- suzdržan

Šerif Špago-suzdržan

Ana-Marija Tadić-Jakovljević-protiv

Drago Tule-protiv

Adnan Velagić-nije tu

Amer Zagorčić-za

Aner Žuljević-za

Nakon pojedinačnog izjašnjavanja za predloženi amandman je bilo 11 zastupnika, protiv je bilo 11 i suzdržanih 5. Amandman nije dobio potrebnu većinu.

Drugi amandman, Kluba SDA, amandman na Izmjene i dopune Budžeta HNK za 2014. godinu, isto se odnosi na istu stavku kad se tiče umanjjenja, znači budžetsku poziciju Vlade, ekonomski kod 614 300, transfer za sanaciju šteta umanjiti za 501.200 KM i za taj iznos umanjiti prihodovnu stranu Budžeta, Izmjena i dopuna Budžeta za 2014. godinu. Ko je za navedeni amandman, molim da se izjasni dizanjem ruku, ko je za? 13 za. Protiv? 11 protiv. Suzdržanih? 4 suzdržana.

Predsjedavajući Šerif Špago

Molim poslanike, znači možete glasati samo na jedan od načina, imamo sad ovdje, znači od prisutnih 27 nije dobio potrebnu većinu.

Poslanik Zijat Mušić, traži pojedinačno izjašnjavanje.

Usljedilo je pojedinačno glasovanje prozivkom.

Slađan Bevanda-protiv
Boris Bošnjak-protiv
Ilija Cvitanović-za
Osman Ćatić-za
Elvira Dilberović-za
Mesud Džajić-za
Luka Faletar-za
Zlatko Hadžiomerović-za
Anel Kljako-nije tu
Osman Macić-suzdržan
Andrea Martinović-protiv
Tomislav Martinović-protiv
Zijat-Zijo Mušić-za
Ante Pavličević-suzdržan
Davor Peهار-protiv
Đuro Prkačin-protiv
Dario Pušić-protiv
Ivona Raguž-protiv
Zoran Raič-protiv
Vesna Saradžić-za
Elmir Šator-za
Amir Šelo -za
Ajman Šoše-za
Šerif Špago-za
Ana-Marija Tadić-Jakovljević-za
Drago Tule-protiv
Adnan Velagić-nije tu
Amer Zagorčić-za
Aner Žuljević-za

Za amandman je glasovalo 15 zastupnika, protiv 10, suzdržana 2.

Konstatirano je da je amandman dobio potrebnu većinu i postaje sastavni dio Izmjena i dopuna Proračuna HNŽ/K za 2014. godinu. Odluke se donose od broja prisutnih od kvoruma, znači većina po našem Poslovniku, većinom od prisutnih.

Amandman zastupnika Tomislava Martinovića, vezano za Veterinarski zavod?

Tomislav Martinović odustaje od amandmana.

Amandman na Izmjene i dopune proračuna za 2014. godinu, Klub hrvatskih zastupnika, amandman 1, vezano za Hrvatsko narodno kazalište i Narodno pozorište Mostar, treba povećati iznose po 15.610 KM, pa umjesto 160.390 KM treba da stoji 176.000 KM, obe stavke iste, znači za Hrvatsko narodno kazalište i Narodno pozorište Mostar. Izaslanik traži izjašnjavanje po ovom amandmanu, ko je za navedeni amandman Kluba hrvatskih zastupnika, ko je za? 21 za. Protiv? Imali smo umanjene maloprije za 500.000 KM.

Tomislav Martinović

Imali ste umanjene maloprije za 500.000 KM, sad imate viška primanja, ministre. Ne pravimo deficit jer ste maloprije smanjili 500.000 KM.

Predsjedavajući Šerif Špago: 21 za je bio. Ima tamo zakonska mogućnost obustavit će se od izvršenja sve ono što je nezakonito. Ko je protiv? Nema. Suzdržani? 2 suzdržana. Konstatujem da je većinom glasova usvojen ovaj amandman.

I vezano za amandman gosp. Žuljevića, amandman Aner Žuljević zastupnik, umanjiti kod 613 200 za 50.000 KM i kod 613 300 za 50.000 KM, i rasporediti 50.000 KM na kod 614 100 hhl 032 i 50.000 KM na kod 614100 hhl 033. Obrazloženje je pomoć fudbalskim klubovima za razvoj omladinskih selekcija. Ovo je sa one stavke koju smo umanjili za 500.000 KM jeli? Ministre izađite, znači ministar ima pravo po zakonu obustaviti sve što je neispravno, Skupština će se izjašnjavati, poslanik traži izjašnjavanje, to je poslovnički.

Samir Hadžihusejnović, ministar finansija

613 200 električna energija i 613 300 komunalije, ima svaka organizacijska jedinica Vlade, otkud se skida!? Tehnički neispravno. Mi ne znamo otkud se skida, ako možemo znati otkud se skida, ne znam možemo li amandman usvojiti u ovakvom obliku? Ne možemo mi sad tražiti gdje se neće izvršiti plaćanje po komunalijama pa da onda odatle plaćamo. Može se sintetički skidati, ne znam uzmite, stavite neku ogradu da, mislim ne znam kako tehnički, pravno ovo izvest.

Usljedilo je glasovanje o amandmanu zastupnika Anera Žuljevića

Za je glasovalo 20 zastupnika, protiv 1 protiv i suzdržanih 2 zastupnika, isti je dobio potrebitu većinu i postaje sastavni dio Izmjena i dopuna Proračuna HNŽ/K za 2014.godinu.

Denis Lasić, predsjednik Vlade HNŽ/K

U ime Vlade i u ime zaštite resornog ministra, znači ovdje je danas par vrlo upitnih odluka, i ja vas molim da precizirate, nemam ništa protiv što ste usvojili, odakle skidate i na koju stavku stavljamo? Znači ne može to tako da netko tamo struže pa nastruže, pa tako dalje, to su vam smiješni izrazi, plus Veterinarski zavod je institucija koja postoji i kojoj 30.000 KM treba za najam prostora. Kažu tehnički nepravilan amandman, i mi to poštujemo. A ovo nešto, mislim nemojte da smo mi protiv tih nekih sportskih klubova, čak šta više pokazali smo koliko smo za, ali mislim stvarno da nema smisla. Znači samo precizirajte, mi ćemo vam taj materijal dostaviti sutra, samo precizirajte odakle skidate i gdje stavljate.

Obavljeno je glasovanje o Izmjenama i dopunama Proračuna HNŽ/K za 2014. godinu, sa prihvaćenim amandmanima koji su dobili potrebnu većinu i postaju sastavni dio Izmjena i dopuna Proračuna za 2014. godinu.

Nakon glasovanja konstatirano je da je većinom glasova, uz 2 suzdržana glasa sa prihvaćenim amandmanima usvojene Izmjene i dopune Proračuna HNŽ/K za 2014. godinu.

Predsjedavajući Šerif Špago predložio je slijedeći zaključak: **Zadužuje se Vlada da transfer za Sveučilište u Mostaru i Univerzitet „Džemal Bijedić“ Mostar utvrđene Izmjenama i dopunama proračuna HNŽ/K za 2014.godinu izvrši u punom iznosu najkasnije do 31.01.2015.godine.**

Obavljeno je glasovanje.

Nakon glasovanja konstatirano je da je zaključak jednoglasno prihvaćen.

7. Prijedlog Odluke o privremenom financiranju Zavoda zdravstvenog osiguranja HNŽ/KK za prvo tromjesečje 2015. godine

U ime predlagatelja obrazloženje je dao predstavnik Zavoda zdravstvenog osiguranja HNŽ/K Vjekoslav Kordić.

Otvorena je rasprava.

U ime kluba SDA, zastupnik Ajman Šoše predložio je sljedeći zaključak: „Korisnici proračuna HNŽ/K i vanproračunskih fondova ne mogu vršiti prijem uposlenika u periodu trajanja Odluke o privremenom financiranju“.

U raspravi su još sudjelovali: Šerif Špago, Amir Šelo, Ajman Šoše, Vjekoslav Kordić, Tomislav Martinović, Zijat Mušić.

Obavljeno je glasovanje o prijedlogu Odluke.

Nakon glasovanja konstatirano je da je jednoglasno usvojena Odluka o davanju suglasnosti na Odluku o privremenom financiranju Zavoda zdravstvenog osiguranja HNŽ/K za period od 01.do 31.03.2015.godine.

Obavljeno je glasovanje o prijedlogu zaključka koji je predložio Klub SDA.

Nakon glasovanja konstatirano je da je za zaključak glasovalo 6 zastupnika, te da nije dobio potrebnu većinu i isti nije prihvaćen.

8. Prijedlog Odluke o izmjeni Odluke o osnivanju J.U. Dom zdravlja „Stari Grad“ Mostar

Predsjedavajući Skupštine izvijestio je zastupnike da je prijedlog dostavljen u materijalima.

U ime predlagatelja a na zamolbu resornog ministra, obrazloženje je dao predsjedavajući Šerif Špago.

Otvorena je rasprava.

U raspravi su sudjelovali: Ilija Cvitanović Elmir Šator.

Obavljeno je glasovanje.

Nakon glasovanja konstatirano je da je većinom glasova uz 2 glasa protiv i 1 suzdržan glas usvojena Odluka o Izmjeni Odluke o osnivanju J.U. Dom zdravlja „Stari Grad“ Mostar.

Sjednica je završena u 15:30 sati.

Zapisničari:
Dario Topić
Omar Robović

Predsjedavajući
Šerif Špago

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-01-III-293/14
Mostar, 29.12.2014. godine

IZVOD IZ ZAPISNIKA
sa Treće (III) sjednice Skupštine
Hercegovačko-neretvanskog kantona

Sjednica je održana dana 29.12.2014. godine u sali Skupštine Hercegovačko-neretvanskog kantona u Mostaru sa početkom rada u 11:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona i pozdravio prisutne.

Sekretar Skupštine, Željka Čule, obavila je prozivku.

Prisutni: Slađan Bevanda, Boris Bošnjek, Ilija Cvitanović, Osman Ćatić, Elvira Dilberović, Mesud Džajić, Luka Faletar, Zlatko Hadžiomerović, Osman Macić, Andrea Martinović, Tomislav Martinović, Zijat Mušić, Ante Pavličević, Davor Pehar, Đuro Prkačin, Dario Pušić, Ivona Raguž, Zoran Raič, Vesna Saradžić, Elmira Šator, Amir Šelo, Ajman Šoše, Šerif Špago, Ana-Marija Topić-Jakovljević, Drago Tule, Adnan Velagić, Amer Zagorčić, Aner Žuljević.

Odsutni: Mara Anđelić, Anel Kljako.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući je izvijestio poslanike da je u materijalima dostavljen Izvod iz zapisnika sa prve (konstituirajuće) sjednice Skupštine.

Otvorena je rasprava.

Primjedbi i prijedloga nije bilo.

Obavljeno je glasanje.

Nakon glasanja, konstatovano je da je Izvod iz zapisnika sa prve sjednice Skupštine održane 20.11.2014. godine jednoglasno prihvaćen.

Predsjedavajući Skupštine pročitao je predloženi **dnevni red:**

1. Prijedlog Odluke o izboru predsjedavajućeg ili zamjenika predsjedavajućeg Skupštine HNK,
2. Prijedlog Izmjena i dopuna Budžeta HNK za 2014. godinu,

3. Prijedlog Odluke o privremenom finansiranju javnih potreba za prvo tromjesečje 2015. godine,
4. Izmjene i dopune Finansijskog plana Službe za zapošljavanje HNK za 2014. godinu,
5. Prijedlog Odluke o davanju saglasnosti na Finansijski plan službe za zapošljavanje HNK za 2015. godinu,
6. Prijedlog Odluke o davanju saglasnosti na Odluku o izvršenju Finansijskog plana Službe za zapošljavanje HNK,
7. Prijedlog Odluke o privremenom finansiranju Zavoda zdravstvenog osiguranja HNK za prvo tromjesečje 2015. godine,
8. Prijedlog Odluke o izmjeni Odluke o osnivanju J.U. Dom zdravlja „Stari Grad“ Mostar.

Otvorena je rasprava.

Primjedbi i prijedloga nije bilo.

Obavljeno je glasanje.

Nakon glasanja konstatovano je da je jednoglasno prihvaćen slijedeći

DNEVNI RED

1. Prijedlog Odluke o izboru predsjedavajućeg ili zamjenika predsjedavajućeg Skupštine HNK,
2. Prijedlog Izmjena i dopuna Budžeta HNK za 2014. godinu,
3. Prijedlog Odluke o privremenom finansiranju javnih potreba za prvo tromjesečje 2015. godine,
4. Izmjene i dopune Finansijskog plana Službe za zapošljavanje HNK za 2014. godinu,
5. Prijedlog Odluke o davanju saglasnosti na Finansijski plan službe za zapošljavanje HNK za 2015. godinu,
6. Prijedlog Odluke o davanju saglasnosti na Odluku o izvršenju Finansijskog plana Službe za zapošljavanje HNK,
7. Prijedlog Odluke o privremenom finansiranju Zavoda zdravstvenog osiguranja HNK za prvo tromjesečje 2015. godine,
8. Prijedlog Odluke o izmjeni Odluke o osnivanju J.U. Dom zdravlja „Stari Grad“ Mostar.

Predsjedavajući Skupštine podsjetio je poslanike da po Poslovniku Skupštine, a i po ranije ustaljenoj praksi, prije prelaska na raspravu po dnevnom redu, na svakoj redovnoj sjednici Skupštine postoji mogućnost za postavljanje poslaničkih pitanja.

Poslanička pitanja

Amir Šelo

Poštovane kolege zastupnici, uvaženi predsjedavajući, odnosno kolega Šerif, koji vodi Skupštinu po ovlaštenju koje mu je dala kantonalna skupština, postavio bih dva poslanička pitanja. Prvo poslaničko pitanje postavljam Ministarstvu finansija HNK-a. Na osnovu člana 178, stav 1, Poslovnika Skupštine HNK-a, Službene novine HNK-a 2/05, podnosim poslaničko pitanje: Zbog čega Ministarstvo finansija HNK-a ne poštuje član 20, stav 2, Zakona o izvršenju Budžeta HNK-a za 2014. godinu, Službene novine HNK-a broj 3/14, i ne isplaćuje mjesečne tranše Univerzitetu „Džemal Bijedić“ i Sveučilištu u Mostaru u isto vrijeme kada se isplaćuje i plaće budžetskim korisnicima HNK-a? Molim vas da mi dostavite pisani odgovor na postavljeno poslaničko pitanje.

I drugo poslaničko pitanje, postavljam Ministarstvu poljoprivrede, šumarstva i vodoprivrede HNK-a. Poslaničko pitanje glasi: U kojem medijima je bio objavljen javni poziv za dodjelu sredstava za rekultivizaciju zemljišta za 2014. godinu predviđenih u Budžetu HNK-a za 2014. godinu u iznosu od 700.040 KM, te zbog čega javni poziv niti odluka o izboru korisnika navedenih sredstava za 2014. godinu nije objavljena na web stranici ministarstva? Molim vas da mi uz pisani odgovor dostavite i Odluku o raspodjeli sredstava po osnovu rekultivizacije zemljišta za 2014. godinu. Molim vas da mi dostavite pisani odgovor. Hvala puno.

Ilija Cvitanović

Kolegice i kolege, dame i gospodo, sve vas pozdravljam. Pitanje rukovodstvu Skupštine i ministru poljoprivrede. Poznato vam je da je Ustavni sud F BiH za onu odluku koja se odnosi na podjelu lovišta u Rami presudio da nije ispoštovana procedura tijekom donošenja iste, pa pitam kada će se na dnevnom redu ove Skupštine ponovo naći ta točka dnevnog reda, da se ispoštuje procedura i da se vrati u okvire zakona? Hvala.

Amer Zagorčić

Uvaženi predsjedavajući, poštovani zastupnici. Moje pitanje ide Agenciji za privatizaciju HNK-a. Obzirom da do današnjeg dana Agencija za privatizaciju HNK-a nije ispoštovala zaključke Skupštine HNK-a i Vlade HNK-a, moje pitanje je, kada će to da se desi i kada će Agencija za privatizaciju HNK-a objaviti privatizacijske ugovore u skladu sa ovim zaključcima? Vlada je nedvosmisleno zadužila Agenciju za privatizaciju HNK-a da objavi ugovore i nije jasno šta se dosad čeka, i sve ovo ostavlja prostora velikoj sumnji na zakonitost rada u Agenciji. Skupština je naknadno potvrdila zaključke Vlade i to isto tražila od Agencije za privatizaciju HNK-a. Dostavljanje pisanih ugovora Vladi svakako ne znači njihovu objavu, i da bi se objava i desila to je neophodno učiniti na način zahtijevan od Vlade HNK-a, a to je između ostalog i u elektronskoj formi na web stranici Vlade. Želio bih znat, zašto Agencija za privatizaciju HNK-a nije dosad uradila i šta se čeka da se to i uradi? Hvala.

Adnan Velagić

Poštovani predsjedavajući, kolege zastupnici. Želio bih da postavim pitanje Vladi HNK-a, odnosno Službi za zapošljavanje, koliko je u periodu od završetka izbora do danas zaposleno novih ljudi po raznim osnovama u Vladi, odnosno ministarstvima HNK-a? Hvala.

AD1. 1. Prijedlog Odluke o izboru predsjedavajućeg ili zamjenika predsjedavajućeg Skupštine HNK

Otvorena je rasprava.

U raspravi su učestvovali: Ajman Šoše i Drago Tule.

Obavljeno je glasanje.

Nakon glasanja konstatovano je da je većinom glasova uz tri (3) suzdržana glasa usvojena Odluka o izboru predsjedavajućeg ili zamjenika predsjedavajućeg Skupštine HNK i to: Vesna Saradžić, Tomislav Martinović i Šerif Špago.

Po proceduri je da troje predloženih od klubova i potvrđenih od strane Skupštine između sebe izaberu predsjedavajućeg i o tome obavijeste Skupštinu.

Usljedila je pauza od 10 minuta.

Nakon pauze Tomislav Martinović je obavijestio prisutne da su izabrani predsjedavajući na svom sastanku odlučili da predsjedavajući Skupštine bude Šerif Špago a zamjenici Vesna Saradžić i Tomislav Martinović.

Novoizabrano rukovodstvo Skupštine je razmijenilo čestitke i zahvalili se na ukazanom povjerenju.

AD2. Prijedlog Izmjena i dopuna Budžeta HNK za 2014 godinu;

Predsjedavajući Skupštine obavijestio je poslanike da je prijedlog dostavljen u materijalima.

U ime predlagača obrazloženje je dao predsjednik Vlade Denis Lasić.

Otvorena je rasprava.

Amandmane na Izmjene i dopune Budžeta su uložili sljedeći poslanici:

Ilija Cvitanović

Na stranici 4, ekonomski kod 614 300, na Uredu predsjednika, transfer za sanaciju šteta po odluci Vlade, HDZ BiH i SDA 501.200 KM. Zanima me zašto nisu uključeni za sanaciju šteta i Gradska uprava i Gradska vijećnica ako su već uključena ova dva objekta? Mislim da nisu trebala biti uključena ni ova dva objekta i predlažem i dostaviti ću u pismenoj formi da se ovaj iznos rasporedi na Pučku kuhinju, na medije i na sport. I na kraju, da izrazim žaljenje što nije zgrada HDZ 1990. zapaljena u ovim paljenjima. Hvala.

Đuro Prkačin

Ja nemam neke amandmane, ali postavio bih pitanje Vladi HNŽ-a, odnosno rukovodstvu Skupštine. Mi smo na prošloj sjednici donijeli odluku, ako se ne varam, koja se odnosi na zaduživanje od sredstava MMF-a u iznosu od 3.375.000 KM, na ekonomskom kodu 814 300, u Izmjenama i dopunama Proračuna za 2014. godinu navedeno je primici od izravnog zaduživanja, stranica 3, 3.375.000 KM, onaj iznos koji smo donijeli na prošloj sjednici. Ja bih postavio pitanje rukovodstvu Skupštine, a nakon toga i Vladi, mi smo mislim donijeli odluku nakon ove odluke o zaduživanju, da ćemo posebnom odlukom donijeti raspodjelu ovih sredstava u rashodovnoj strani, ne znam jeli moramo danas prije usvajanja ovih Izmjena i dopuna donijeti i tu odluku, pošto vidimo ovi su primici, odnosno zaduživanje, već navedeni u prihodu, a u rashodu njih nema? Mi smo donijeli odluku da će Skupština donijeti posebnu odluku o utrošku ovih sredstava. Hvala.

Ajman Šoš

U ime Kluba SDA predlažem amandman na Izmjene i dopune Budžeta HNK-a za 2014. godinu. Budžetsku poziciju Vlade, ekonomki kod 614 300, transfer za sanaciju šteta, umanjiti za 501.200 KM, i za taj isti iznos umanjiti i prihodovnu stranu Izmjena i dopuna Budžeta HNK-a za 2014. godinu. Mislim da je ovo najbolje u ovom momentu, što ne znači da se šteta ne treba nadoknaditi, to možemo u okviru Budžeta 2015. godine planirati, a sada je najbolje i radi ušteda u Budžetu da se ova pozicija skine i za isti iznos znači umanjiti prihodovna strana.

Također imam još jedan amandman, za Izmjene i dopune Budžeta, ovdje se radi o preraspodjeli. Na budžetskoj poziciji Javne ustanove Srednje mašinsko-saobraćajne škole, potrošačka jedinica 17030020, ekonomski kod 613 200, izdaci za energiju, da se povećaju za 3.500 KM, ovdje sa 6.240 KM na 9.740 KM, ekonomski kod 613 300, izdaci za komunalne usluge sa 4.800 KM na 7.800 KM, znači za 3.000 KM, ekonomski kod 613 500, izdaci za usluge prijevoza i goriva, sa 6.000 KM na 7.000 KM, znači za 1.000 KM, i ekonomski kod 613 700, izdaci za tekuće održavanje, sa 3.050 KM na 7.200 KM, znači za 4.150 KM. Pomenuta sredstva se mogu preraspodijeliti na sljedeći način, u okviru Budžeta iste potrošačke jedinice, sa konta 613 800, izdaci osiguranja i banaka, sa 1.000 KM na 300 KM, znači umanjiti za 700 KM, i 613 900, ugovorene usluge, sa 84.000 KM umanjiti na 73.000 KM, za ukupno 11.000 KM. Znači ukupno povećanje bi iznosilo ovdje 11.650 KM, a umanjjenje 11.700 KM. Znači ne dolazi ni do kakvog povećanja, preraspodjela je unutar potrošačke jedinice Javne ustanove Srednje mašinsko-saobraćajne škole.

Sladjan Bevanda

Imam jedan amandman vezan za MUP, tehničke je prirode, a radi se o preraspodjeli sredstava sa jednoga konta na drugi, tako da ukupna masa sredstava ostaje ista. Znači sa konta 613 400 na konto 613 300, 196.100 KM. Hvala lijepa.

Predloženo je da se Vlada naknadno izjasni o amandmanima.

AD3. Prijedlog Odluke o privremenom finansiranju javnih potreba HNK za prvo tromjesečje 2015. godine

Predsjedavajući je obavijestio poslanike da je prijedlog dostavljen u materijalima.

U ime predlagača obrazloženje je dao ministar finansija Samir Hadžihusejnović.

Otvorena je rasprava.

Primjedbi i prijedloga nije bilo.

Obavljeno je glasanje.

Nakon glasanja konstatovano je da je Odluka o privremenom finansiranju javnih potreba HNK za prvo tromjesečje jednoglasno usvojena.

AD4. Izmjene i dopune Finansijskog plana Službe za zapošljavanje HNK za 2014. godinu

Predsjedavajući Šerif Špago podsjetio je poslanike da su u materijalima dostavljene dvije Izmjene i dopune finansijskog plana Službe za zapošljavanje HNK za 2014.godinu.

Obrazloženje je dala predstavnica Službe za zapošljavanje Gordana Nikolić.

Otvorena je rasprava.

Primjedbi i prijedloga nije bilo.

Obavljeno je glasanje o prvoj Izmjeni Odluke o davanju saglasnosti Finansijskog plana.

Nakon glasanja konstatovano je da je većinom glasova uz 2 suzdržana glasa usvojena Prva Izmjena i dopuna Odluke o davanju saglasnosti na Finansijski plan Službe za zapošljavanje HNK za 2014.godinu.

Obavljeno je glasanje Drugoj Izmjeni i dopuni Odluke o davanju saglasnosti na Finansijski plan Službe za zapošljavanje HNK za 2014. godinu.

Nakon glasanja konstatovano je da je većinom glasova uz 2 suzdržana glasa usvojena Odluka o davanju saglasnosti na Drugu Izmjenu i dopunu Finansijskog plana Službe za zapošljavanje HNK za 2014.godinu.

AD5. Prijedlog Odluke o davanju saglasnosti na Finansijskog plana Službe za zapošljavanje HNK za 2015. godinu;

Predsjedavajući je obavijestio poslanike da je prijedlog dostavljen u materijalima.

U ime predlagača, obrazloženje je dala predstavnica Službe za zapošljavanje Gordana Nikolić.

Otvorena je rasprava.

U raspravi su učestvovali: Zijat Mušić, Amir Šelo, predstavnica Službe za zapošljavanje Gordana Nikolić.

Obavljeno je glasanje.

Nakon glasanja konstatovano je da je većinom glasova uz 2 suzdržana glasa usvojena Odluka o davanju saglasnosti na Finansijski plan Službe za zapošljavanje HNK za 2015.godinu.

AD6. Prijedlog Odluke o davanju saglasnosti na Odluku o izvršenju Finansijskog plana Službe za zapošljavanje HNK za 2015. godinu

Predsjedavajući je obavijestio poslanike da je prijedlog dostavljen u materijalima.

U ime predlagača, obrazloženje je dala predstavnica Službe za zapošljavanje Gordana Nikolić.

Otvorena je rasprava.

U raspravi su učestvovali: Zijat Mušić, Amir Šelo, predstavnica Službe za zapošljavanje Gordana Nikolić.

Obavljeno je glasanje.

Nakon glasanja konstatovano je da je većinom glasova uz 2 suzdržana glasa usvojena Odluka o davanju saglasnosti na Odluku o izvršenju Finansijskog plana Službe za zapošljavanje HNK za 2015.godinu.

Usljedila je pauza od 30 minuta.

Nakon pauze uslijedilo je izjašnjavanje o uložnim amandmanima na Izmjene i dopune Budžeta HNK za 2014.godinu.

U ime Vlade ministar finansija Samir Hadžihusejnović je pročitao očitovanje Vlade o uložnim amandmanima.

Poslanik Zijat Mušić, amandman za prevoz, se odbija, s tim taj novac je već uplaćen ovoj firmi, s tim da će se tražiti povrat od 25.000 KM, a ovo ostalo će Vlada izvršiti prema planu ovima koji su, mislim da se to može prihvatiti, znači pretplaćeni dio „MO Bus-u“ za 25.000 KM to ćemo tražiti da vrate, ukoliko ne vrate postoji i nekakav drugi način da se vrate sredstva, a ovo što se tiče ostatka za ove firme, izvršiti ćemo u skladu s planom, i bit će to u redu.

Poslanik prihvata ovaj način rješavanja, znači odustaje od amandmana.

Amandman zastupnika Slađana Bevande za MUP, prihvata se, to je tehnički amandman, jedna je pozicija umanjena, druga je uvećana, tehnički ispravan, moguć, prihvata se.

Amandman poslanika Ilije Cvitanovića, Dom za stare i nemoćne osobe Rama 100.000 KM, grant javnim kuhinjama povećati za 150.000 KM, grant udrugama proisteklim iz rata za 54.830 KM, stipendije studentima fakulteta i učenicima povećati za 156.000 KM, transfer za Studentski centar povećati za 40.370 KM, amandman je odbijen glasanjem, 12 je glasalo, 3 su bila za amandman, 9 protiv.

Amandman poslanika Osmana Čatića, projekt „Kepas“, to je isto tehnički, taj novac je stigao na račune Vlade u međuvremenu kad je ovo već sve bilo usvojeno, tako da se prihvata pošto je tehnički.

Klub SDA da se ovaj amandman, znači evo pročitati ću ga: „Budžetsku poziciju Vlade, ekonomki kod 614 300, transfer za sanaciju šteta, umanjiti za 501.200 KM, i za taj isti iznos umanjiti i prihodovnu stranu Izmjena i dopuna Budžeta HNK-a za 2014. godinu“, poslanik Ajman Šoše, 9 je bilo da se amandman odbije, a 3 su bila za, znači amandman nije prihvaćen, nije bio ministar Soldo prisutan, znači 8 je bilo da se amandman odbije, a 3 za amandman. Znači amandman nije prihvaćen.

Amandman, poslanik Ajman Šoše, ovo za Srednju mašinsko saobraćajnu školu, znači mi ga tehnički možemo prihvatiti, ali ne znam hoćemo li ga moći provesti. Mi to sad u ovom momentu ne možemo nikako znati obzirom da ne znamo šta je na tim pozicijama planirano za izvršenje, i dali je to već kroz naloge došlo u finansije. Ukoliko bude moguće on će se izvesti, ukoliko ne bude ne možemo probijati stavke protuzakonito i ne možemo ja i predsjednik Vlade zbog toga trpiti kaznene odredbe.

Predsjedavajući Šerif Špago

Znači samo ako je u okviru budžetskog korisnika preraspodjela amandman će biti usvojen, ja sam razumio da je takav amandman i bio.

Samir Hadžihusejnović, ministar finansija

Nama su date garancije iz, koliko je kolega Hadžiomerović sa svojim operativcima iz Ministarstva obrazovanja u kontaktu bio da se to može, ukoliko je moguće mi ćemo, jer ne znamo šta je zaprimljeno od naloga po onim pozicijama koje ste umanjili a ove povećali. Mislim da je jasno, znači tehnički da, s tim ako bude izvodljiv. Probijanje rashoda je strogo zabranjeno zakonom i kažnjivo, odgovaramo ja i premijer, prema tome, ja neću ići u zatvor i plaćati kazne zbog toga, neće ni premijer, a ako budemo mogli.

Amandman Šerif Špago, Skupština, prihvata se, nema probijanja u potpunosti, tehničke preraspodjele isto. Amandman se prihvata.

Amandman poslanika Tomislava Martinović, odbija se jer je protuzakonit, uvećava se rashodovna strana, a nema nigdje odakle se vrši preraspodjela.

Amandman Kluba hrvatskih zastupnika, povećanje za HNK i Narodno pozorište Mostar, odbija se, i on je protuzakonit, povećava rashode.

Amandman tehničke popravke, Žuljević, ovo je za sredstva pripremljena od poplava, znači mi smo prikupili 20.000 KM, nažalost samo 20.000 KM, i moramo ta sredstva poslati na Federalni fond za ove poplave, tako da je to čisto tehnički amandman, on je i na rashodovnoj strani, i on se prihvata.

Amandman poslanika Anera Žuljevića, sportskim klubovima za razvoj omladinskih selekcija, se odbija, obzirom da se umanjuju stavke komunalnih usluga. Prvo, amandman je tehnički neispravan, jer se umanjuje kod 613 200 ne znamo gdje, i kod 613 300 također ne znamo otkud, svaka organizacijska jedinica ima ove kodove i odnose se na električnu energiju, ovo ostalo je na vodu, grijanje, telefone, uglavnom općenito su to komunalije. Ne možemo to jer vjerovatno je isti slučaj kao ovo kod kolege Šoške, ne znamo šta je došlo tamo, šta je zaknjiženo, šta je već potrošeno, a ukoliko bismo to prihvatili tih 100.000 KM, praktički dolazi do probijanja budžeta, opet ja i premijer moramo snositi posljedice.

I prihvata se amandman na Izmjene i dopune Budžeta HNK, Ured predsjednika, tehnički amandman, umanjuje se jedna pozicija za 20.000 KM, a povećava se druga za 20.000 KM. Tehnički provodivo, i prihvata se.

Predsjedavajući Šerif Špago

Imamo 5 odbijenih amandmana.

Prvi je gosp. Cvitanovića, evo, ići ću ja redom kako je bilo.

Znači prvi amandman, Klub HDZ 1990., amandman na Izmjene i dopune Proračuna HNŽ za 2014. godinu, amandman 1, čitam da znate, ekonomski kod 614 300, transfer za sanaciju šteta, skinuti 501.200 KM i rasporediti na sljedeći način: Dom za stare i nemoćne osobe Rama 100.000 KM, grant javnim kuhinjama povećati za 150.000 KM, grant udrugama proisteklim iz rata za 54.830 KM, stipendije studentima fakulteta i učenicima povećati za 156.000 KM, transfer za Studentski centar povećati za 40.370 KM. Gosp. Cvitanović?

Ilija Cvitanović (napomena –govori sa mjesta bez mikrofona)

Znači ne odustajem, i molit ću pojedinačno glasovanje.

Predsjedavajući Šerif Špago

Ne može odmah pojedinačno dok ne vidimo. Znači sad se izjašnjavamo po pitanju amandmana, ako Skupština većinom glasova prihvati amandman koji je tehnički ispravan on

postaje sastavni dio Izmjena i dopuna budžeta. Ko je za amandman Kluba HDZ 1990., molim da se izjasni dizanjem ruku, ko je za, ko je za molim da digne ruku? Evo, čitam ponovo amandman, molim vas, znači amandman Kluba HDZ 1990., amandman na Izmjene i dopune Proračuna HNŽ za 2014. godinu, „ekonomski kod 614 300, transfer za sanaciju šteta, onaj vezano za zgrade političkih stranaka, skinuti 501.200 KM i rasporediti na sljedeći način: Dom za stare i nemoćne osobe Rama 100.000 KM, grant javnim kuhinjama povećati za 150.000 KM, grant udrugama proisteklim iz rata povećati 54.830 KM, stipendije studentima fakulteta i učenicima povećati za 156.000 KM, transfer za Studentski centar povećati za 40.370 KM“. Ko je za navedeni amandman molim vas da se izjasni dizanjem ruku, ko je za? 8 za. Protiv? 11 protiv. Suzdržanih? 5 suzdržanih. Konstatiram da amandman nije dobio potrebnu većinu.

Ilija Cvitanović - Budući da nisam siguran kako je Zijo Mušić glasao tražim pojedinačno glasanje.

U ime svoje, i Kluba.

Uslijedilo je pojedinačno glasovanje prozivkom da se utvrdi način glasovanja zastupnika:

Slađan Bevanda-protiv
Boris Bošnjak-protiv
Ilija Cvitanović-za
Osman Ćatić-suzdržan
Elvira Dilberović-za
Mesud Džajić-za
Luka Faletar-za
Zlatko Hadžiomerović-suzdržan
Anel Kljako-nije tu
Osman Macić-za
Andrea Martinović-protiv
Tomislav Martinović-protiv
Zijo Mušić-za
Ante Pavličević-za
Davor Pehar-protiv
Đuro Prkačin-protiv
Dario Pušić-protiv
Ivona Raguž-protiv
Zoran Raič-protiv
Vesna Saradžić-za
Elmir Šator-za
Amir Šelo -suzdržan
Ajman Šoše- suzdržan
Šerif Špago-suzdržan
Ana-Marija Tadić-Jakovljević-protiv
Drago Tule-protiv
Adnan Velagić-nije tu
Amer Zagorčić-za
Aner Žuljević-za

Nakon pojedinačnog izjašnjavanja za predloženi amandman je bilo 11 poslanika, protiv je bilo 11 i suzdržanih 5. Amandman nije dobio potrebnu većinu.

Drugi amandman, Kluba SDA, amandman na Izmjene i dopune Budžeta HNK za 2014. godinu, isto se odnosi na istu stavku kad se tiče umanjenja, znači budžetsku poziciju Vlade, ekonomski kod 614 300, transfer za sanaciju šteta umanjiti za 501.200 KM i za taj iznos umanjiti prihodovnu stranu Budžeta, Izmjena i dopuna Budžeta za 2014. godinu. Ko je za navedeni amandman, molim da se izjasni dizanjem ruku, ko je za? 13 za. Protiv? 11 protiv. Suzdržanih? 4 suzdržana.

Predsjedavajući Šerif Špago

Molim poslanike, znači možete glasati samo na jedan od načina, imamo sad ovdje, znači od prisutnih 27 nije dobio potrebnu većinu.

Poslanik Zijat Mušić, traži pojedinačno izjašnjavanje.

Usljedilo je pojedinačno glasovanje prozivkom.

Slađan Bevanda-protiv
Boris Bošnjak-protiv
Ilija Cvitanović-za
Osman Ćatić-za
Elvira Dilberović-za
Mesud Džajić-za
Luka Faletar-za
Zlatko Hadžiomerović-za
Anel Kljako-nije tu
Osman Macić-suzdržan
Andrea Martinović-protiv
Tomislav Martinović-protiv
Zijat-Zijo Mušić-za
Ante Pavličević-suzdržan
Davor Pehar-protiv
Đuro Prkačin-protiv
Dario Pušić-protiv
Ivona Raguž-protiv
Zoran Raič-protiv
Vesna Saradžić-za
Elmir Šator-za
Amir Šelo -za
Ajman Šoše-za
Šerif Špago-za
Ana-Marija Tadić-Jakovljević-za
Drago Tule-protiv
Adnan Velagić-nije tu
Amer Zagorčić-za
Aner Žuljević-za

Za amandman je glasalo 15 poslanika, protiv 10, suzdržana 2.

Konstatovano je da je amandman dobio potrebnu većinu i postaje sastavni dio Izmjena i dopuna Budžeta HNK za 2014. godinu. Odluke se donose od broja prisutnih od kvoruma, znači većina po našem Poslovniku, većinom od prisutnih.

Amandman poslanika Tomislava Martinovića, vezano za Veterinarski zavod?

Tomislav Martinović odustaje od amandmana.

Amandman na Izmjene i dopune Budžeta za 2014. godinu, Klub hrvatskih zastupnika, amandman 1, vezano za Hrvatsko narodno kazalište i Narodno pozorište Mostar, treba povećati iznose po 15.610 KM, pa umjesto 160.390 KM treba da stoji 176.000 KM, obe stavke iste, znači za Hrvatsko narodno kazalište i Narodno pozorište Mostar. Izaslanik traži izjašnjavanje po ovom amandmanu, ko je za navedeni amandman Kluba hrvatskih zastupnika, ko je za? 21 za. Protiv? Imali smo umanjene maloprije za 500.000 KM.

Tomislav Martinović

Imali ste umanjene maloprije za 500.000 KM, sad imate viška primanja, ministre. Ne pravimo deficit jer ste maloprije smanjili 500.000 KM.

Predsjedavajući Šerif Špago: 21 za je bio. Ima tamo zakonska mogućnost obustavit će se od izvršenja sve ono što je nezakonito. Ko je protiv? Nema. Suzdržani? 2 suzdržana. Konstatujem da je većinom glasova usvojen ovaj amandman.

I vezano za amandman gosp. Žuljevića, amandman Aner Žuljević zastupnik, umanjiti kod 613 200 za 50.000 KM i kod 613 300 za 50.000 KM, i rasporediti 50.000 KM na kod 614 100 hhl 032 i 50.000 KM na kod 614100 hhl 033. Obrazloženje je pomoć fudbalskim klubovima za razvoj omladinskih selekcija. Ovo je sa one stavke koju smo umanjili za 500.000 KM jeli? Ministre izađite, znači ministar ima pravo po zakonu obustaviti sve što je neispravno, Skupština će se izjašnjavati, poslanik traži izjašnjavanje, to je poslovnički.

Samir Hadžihusejnović, ministar finansija

613 200 električna energija i 613 300 komunalije, ima svaka organizacijska jedinica Vlade, otkud se skida!? Tehnički neispravno. Mi ne znamo otkud se skida, ako možemo znati otkud se skida, ne znam možemo li amandman usvojiti u ovakvom obliku? Ne možemo mi sad tražiti gdje se neće izvršiti plaćanje po komunalijama pa da onda odatle plaćamo. Može se sintetički skidati, ne znam uzmite, stavite neku ogradu da, mislim ne znam kako tehnički, pravno ovo izvest.

Usljedilo je glasanje o amandmanu poslanika Anera Žuljevića

Za je glasalo 20 poslanika, protiv 1 protiv i suzdržanih 2 poslanika, isti je dobio potrebitu većinu i postaje sastavni dio Izmjena i dopuna Budžeta HNK za 2014.godinu.

Denis Lasić, predsjednik Vlade HNK

U ime Vlade i u ime zaštite resornog ministra, znači ovdje je danas par vrlo upitnih odluka, i ja vas molim da precizirate, nemam ništa protiv što ste usvojili, odakle skidate i na koju stavku stavljamo? Znači ne može to tako da netko tamo struže pa nastruže, pa tako dalje, to su vam smiješni izrazi, plus Veterinarski zavod je institucija koja postoji i kojoj 30.000 KM treba za najam prostora. Kažu tehnički nepravilan amandman, i mi to poštujemo. A ovo nešto, mislim nemojte da smo mi protiv tih nekih sportskih klubova, čak šta više pokazali smo koliko smo za, ali mislim stvarno da nema smisla. Znači samo precizirajte, mi ćemo vam taj materijal dostaviti sutra, samo precizirajte odakle skidate i gdje stavljate.

Obavljeno je glasanje o Izmjenama i dopunama Budžeta HNK za 2014. godinu, sa prihvaćenim amandmanima koji su dobili potrebnu većinu i postaju sastavni dio Izmjena i dopuna Budžeta HNK za 2014. godinu.

Nakon glasanja konstatovano je da je većinom glasova, uz 2 suzdržana glasa sa prihvaćenim amandmanima usvojene Izmjene i dopune Budžeta HNK za 2014. godinu.

Predsjedavajući Šerif Špago predložio je slijedeći zaključak: **Zadužuje se Vlada da transfer za Sveučilište u Mostaru i Univerzitet „Džemal Bijedić“ Mostar utvrđene Izmjenama i dopunama proračuna HNŽ/K za 2014.godinu izvrši u punom iznosu najkasnije do 31.01.2015.godine.**

Obavljeno je glasanje.

Nakon glasanja konstatovano je da je zaključak jednoglasno prihvaćen.

7. Prijedlog Odluke o privremenom finansiranju Zavoda zdravstvenog osiguranja HNK za prvo tromjesečje 2015. godine

U ime predlagča obrazloženje je dao predstavnik Zavoda zdravstvenog osiguranja HNK Vjekoslav Kordić.

Otvorena je rasprava.

U ime kluba SDA, poslanik Ajman Šoše predložio je sljedeći zaključak: „Korisnici Budžeta HNK i vanbudžetskih fondova ne mogu vršiti prijem uposlenika u periodu trajanja Odluke o privremenom finansiranju“.

U raspravi su još učestvovali: Šerif Špago, Amir Šelo, Ajman Šoše, Vjekoslav Kordić, Tomislav Martinović, Zijat Mušić.

Obavljeno je glasanje o prijedlogu Odluke.

Nakon glasanja konstatovano je da je jednoglasno usvojena Odluka o davanju saglasnosti na Odluku o privremenom finansiranju Zavoda zdravstvenog osiguranja HNK za period od 01.do 31.03.2015.godine.

Obavljeno je glasanje o prijedlogu zaključka koji je predložio Klub SDA.

Nakon glasanja konstatovano je da je za zaključak glasovalo 6 poslanika, te da nije dobio potrebnu većinu i isti nije prihvaćen.

8. Prijedlog Odluke o izmjeni Odluke o osnivanju J.U. Dom zdravlja „Stari Grad“ Mostar

Predsjedavajući Skupštine obavijestio je poslanike da je prijedlog dostavljen u materijalima.

U ime predlagča a na zamolbu resornog ministra, obrazloženje je dao predsjedavajući Šerif Špago.

Otvorena je rasprava.

U raspravi su učestvovali: Ilija Cvitanović i Elmir Šator.

Obavljeno je glasanje.

Nakon glasanja konstatovano je da je većinom glasova uz 2 glasa protiv i 1 suzdržan glas usvojena Odluka o Izmjeni Odluke o osnivanju J.U. Dom zdravlja „Stari Grad“ Mostar.

Sjednica je završena u 15:30 sati.

Zapisničari:
Dario Topić
Omar Robović

Predsjedavajući
Šerif Špago